

- templatione renuntiatio; a renuntiatione tranquillitas proxime
 13. distat. Odii immunis erga cuncta animantia, benignus,
 nec non misericors, non sui studio nec sui fiducia captus,
 14. idem in dolore ac voluptate, patiens, contentus, perpetuo
 devotus, temperans, propositi tenax, qui mihi animum mem-
 15. temque tradit, mei cultor: is mihi carus. A quo non tur-
 batur genus humanum, et a genere humano qui nec ipse tur-
 batur; gaudii, iracundiae, terroris turbis qui solutus est:
 16. is itidem mihi carus. Nulla expectatione suspensus, purus,
 dexter, medius inter contraria, nihil sollicitus, omnibus in-
 17. ceptis qui renuntiavit, mei cultor: is mihi carus. Qui ne-
 que exultat, neque aversatur, nec moeret, nec desiderat;
 fausti vel infausti exitus incuriosus qui mei cultor: is mihi
 18. carus. Aequanimus in hoste atque amico, tum in honore
 et contumelia, in frigore et calore, in voluptate ac dolore
 19. aequanimus, ambitione exemptus; par sibi in vituperio ac
 laude, taciturnus, contentus re qualibet, domo carens, firmus
 20. consilii, cultui addictus homo mihi est carus. Qui vero
 sanctum nectar hocce, sicuti dictum, observant, fide imbuti,
 in me intenti cultores, ii vehementer mihi sunt cari.

LECTIO XIII.

ALMUM NUMEN *loquitur*:

1. Hocce corpus, Kuntidis nate, TERRENI nomine nuncupa-
 tur. Istud qui novit (*spiritus*), eum pronuntiarunt TERRENI
2. GNARUM veritatis periti. Me porro scias TERRENI GNARUM
 esse in omnibus TERRENIS, o Bhârata. Quae TERRENUM ac
 TERRENI GNARUM amplectitur scientia, ea vera scientia a me
3. aestimatur. Hocce TERRENUM quidnam sit, et quale, quibus-
 nam modis mutabile, et unde id; et hicce (*Terreni gnarus*)